

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A

KANTONALNOM SUDU U ZENICI

- Sudiji za prethodno saslušanje-

Na osnovu člana 45. stav 2. tačka i), člana 241. stav 1. Zakona o krivičnom postupku Federacije Bosne i Hercegovine, **p o d i ž e m**

O P T U Ž N I C U

Protiv:

A.K. iz Visokog,

Što je:

Dana 27.06.1992. godine, oko 20,00 časova, u vrijeme oružanog sukoba u Bosni i Hercegovini, na području općine Visoko, kao pripadnik Armije R BiH, postupao protivno pravilima Međunarodnog humanitarnog prava kršeći odredbe člana 3. stav 1. tačka a) i c) i člana 27. stav 2. Ženevske konvencije o zaštiti civilnog stanovništva za vrijeme rata od 12.08.1949. godine, u vezi sa članom 4. stav 2. tačka e) Dopunskog protokola II uz Ženevske konvencije, na način da je M.V. više puta prisilio na seksualni odnos, tako što je u vojnoj uniformi i naoružan puškom, došao pred kuću vlasništvo lica srpske nacionalnosti J.D., pred kojom su se nalazila lica srpske nacionalnosti J.D., V.D. i M.V. te prstom pokazao na M.V., govoreći J.D. „da ista mora ići sa njim, da je nešto ispita i da će je odmah vratiti“, uzimajući M. za ruku da bi istu odveo na jedno brdo iznad naselja i naredio da se skine, što je ista i učinila u strahu za svoj život u datim okolnostima, nakon čega je izvršio spolni odnos nad istom, a potom naredio istoj da ga oralno zadovolji, što je ista i uradila, nakon čega je, kada je M.V. htjela da se obuče, istoj naredio : „Nemoj se oblačiti, još ćemo jednom“, te je i drugi put nad istom izvršio spolni odnos, poslije čega je M.V. vratio do kuće J.D. rekavši istoj: „Jesam ti rekao da ću je vratiti“, i „Sada ti mogu odvesti kravu iz štale i snahu S.D.“,

Čime je počinio krivično djelo ratni zločin protiv civilnog stanovništva iz člana 142. stav 1. preuzetog Krivičnog zakona bivše SFRJ.